



partii naleraq

18.april 2016

UPA2016/109

Isumaginnittoqarfiup aqunneqarnera aaqqissuussaaneralu pillugit Inatsisartut inatsisissaat nr. xx, xx.xx. 2016, tamatumuuna allanngortillugu isumaginnittoqarfiup aqunneqarnera aaqqissuussaaneralu pillugit Inatsisartut peqqussutaat.

Isumaginnittoqarfiup aqunneqarnera pillugu inatsisartut peqqussutissaattut siunnersuut Partii Naleqqamiit oqaaseqarfigissavarput.

Kommunit namminiussuseqarlutik aqutsinerat ingerlatsinerallu tamakkiisumik ataqqillugu ingerlanneqassasoq kissaatigalugu oqaatigissavarput. Pissutigalugu kommunalbestyrelseqarmat ataatsimiititaliaqarmata namminneq ingerlasunik ulluinnarnilu suliassanik ingerlatsisunik taamaattumik toqqaannartumik pisinnaatitaaffimik arsaarlugit ingerlatsisinnaanissamik peqqussusiornissaq isumaqatiginngilarput.

Isumaginninnikkut pissutsit atuuttut nunatsinni ajoraluartumik ilungersunartumik pingaartumik meerartagut eqqarsaatigalugit inissisimanerput assorujussuaq ajuusaarnarpoq akuersaaruminaallunilu.

Meeqqanik sumiginnaanerup ajornartorsiutaanera akuersaangilluinnarparput. tamannalu inuiaqatigiinni ataatsimoorullugu akiortariaqalerparput, kukkunerulluinnassaarmi innuttaasuni isumaqartoqaruni kommunit inatsisartut naalakkersuisullu kisimiillutik aaqqissinnaagaat naamerluinnaq, oqaatigissavarpullu innuttaasut peqataangippata ajornartorsiut qaangerneqarnaviannngimmat.

Isumaginninnikkut pitsaasumik isumannaatsumillu Naalakkersuisut qularnaariniarnerat apeqqusinnngilluinnarparput, pingaartumik meeqqanik sullissineq eqqarsaatigalugit, inuiaqatigiinnimi isumaginninnikkut ajornartorsiuterpassuit takusinnaasagut pitsaanerusumik suliarineqartassappata ullumikkornit pikkorinnerulluta sulinissarput nassuerutigisariaqratsigu.

Isuma qarluinnarpugut suliassat isumaginninnikkut taamak annertutigisut kommunit pisinnaatitaaffiarlugit ingerlanneqarsinnaanngitsut, akerlianik isumaqarpugut kommunit Namminersorlutillu oqartussat suleqatigiittariaqartut tamannalu kissaatiginarluinnarnerusoq tassalu

suleqatigiinneq ingerlanneqassasoq nukimmii pisariaqartittat annertoqqimmata, ajornartorsiuutimmi isumaginninnikkut tikeq nappaannarlugu Naalackersuisuniik kommuninit pissaaneq tiguinnarlugu ingerlanneqarsinnaanngimmat.

Kommunit isumaginninnikkut ingerlatsinerliornerat pillugu kommunit qassit akuliuffigineqarsimappat? aammalu taamatut isumaginninnermi ingerlatsinerliornermi immikkut aningaasartuuteqartoqarsimasoq paaserusunnarpoq.

Nalunngilarput kommunini nakkutilliisoqartoq kommunillu ingerlatsinerliorpata akuliuffigineqarsinnaasut tamannalu pissusissamisorpoq taamaattumik Naalackersuisut oqartussaaffimmik arsaarinnissinnaanermik peqqussusiornissaat isumaqatiginngilarput.

Isumaginninnermi sulisorpassuit ilungersorput amerlanerpaatigullu suliassaqarpallaarujussuarput tupinnangitsumillu aamma kommunit suliamikkut kinguaattoortarnerat naammattugassaasarpoq, suliassallu amerlavallaarnerujussuat pissutigalugu isumaginninnikkut angummassinnaannginneq pissutigalugu sullarlututut kommunit ingerlatsinerminnik arsaarneqartassappata tulluanngilaaq ilungersorpummi.

Kommunit eqqunngitsumik ingerlatsippata akuliussinnaaneq apeqqusinngilluinnarparput taamattoqarsimappallu akuliuffigineqarsinnaanerat pisussusissamisorpoq, kisiannili oqartussaaffimmik arsaarinnissinnaaneq akuerinngilarput kommunit namminerlutik inatsimillu illersugaallutik ingerlatsinerat ataqqineqartariaqarmat.

Hans Enoksen